

# Ժողովուրդ

104  
(2770)

19 հունիսի չորեքշաբթի 2023  
տպագրության ԺԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

## ԵՄ ԳԵՄՊԱՆԸ ԳԵՌ ԿՎԵՐԱԳԱՌՆԱ



«Ժողովուրդ» օրաթերթը զրուցել է Հայաստանում Եվրոպական միության պատվիրակության ղեկավար, դեսպան Անդրեա Վիկտորինի հետ, որն ավարտում է իր դիվանագիտական կարիերան Հայաստանում եւ մյուս ամիս պետք է գնա Հայաստանից:

**-Տիկին դեսպան, կա՞մ Հայաստանում մի բան, որ ձեզ դուր չի եկել, որի հետ հաշտ չեք մինչ օրս: Ի՞նչ կառաջարկեք, ինչպե՞ս փոխել: Ձեր մոտ՝ Գերմանիայում, կարգուկանոնը առաջնային է:**

-Մեքենաներ վարելու խնդիր ունենք: Ես կուզեի, որ ավելի դանդաղ վարեինք, հատկապես կուզեմ փոխվի ոստիկանական ավտոմեքենաների վարման ձեւը: Իմ երկրում այդ ազդանշաններով մեքենաները վարում են լրիվ այլ դեպքերում, դրանք օգտագործում են այլ նպատակներով: Քանի որ մենք աշխատում ենք ոստիկանական համակարգի բարելավման ուղղությամբ, իմ առաջարկը դա կլինի: Անհնար է շատ հաճախ հասկանալ, թե նրանք իրենց բարձրախոսով ինչ են ասում մեքենայի միջից: Ես մտածում էի՝ խնդիրն իմ մեջ է, քանի որ հայերեն չեմ հասկանում, բայց հարցնում եմ մյուսներին, նրանք ես չեմ հասկանում:

**-Որպես տուրիստ կգա՞ք Հայաստան Ձեր պաշտոնավարման ժամկետի ավարտից հետո:**

-Միանշանակ կվերադառնամ: Ես պետք է փոքր-ինչ դադար ունենամ եւ հաջորդող դեսպանին հնարավորություն տամ սովորելու աշխատանքին, բայց որոշակի ժամանակ անց միանշանակ կվերադառնամ Հայաստան:

**Շարունակությունը՝ ArmLur.am-ի տեսանյութում:**

⇒ էջ 5

Երեւանի ավագանու ընտրություններում իշխող ԶԳ-ն մասնակցելու է հին դեմքերով: Թեեւ դեռ որոշված են միայն առաջին 5 համարների անունները, բայց արդեն կարելի է պատկերացում կազմել, թե ինչ տեսք ունի Նոր իշխանության հնացած ցուցակը: Արմեն Փամբուխչյանը՝ Փամբը, կլինի 2-րդ համարը: Նա 2001 - 2006 թվականներին սովորել է Երեւանի «Հրաչյա Աճառյան» համալսարանում եւ ծառայել է ՀՀ զինված ուժերում: Փամբուխչյանն այն երջանիկներից է, որը մինչ հեղափոխությունն աշխատել է բանկային համակարգում եւ 2018-ից Նրա մոտ սկսվել է պաշտոնական առաջխաղացման շրջանը: Հունիսի 6-ին Նշանակվել է ՀՀ տրանսպորտի, կապի եւ տեղեկատվական տեխնոլոգիաների նախարարի տեղակալ, հոկտեմբերին՝ տրանսպորտի, կապի եւ տեղեկատվական տեխնոլոգիաների նախարարի առաջին տեղակալ: Դեկտեմբերի 9-ին կայացած ԱԺ ընտրություններում պատգամավոր է ընտրվել «Իմ քայլը» դաշինքի ցուցակով: 2020 թվականի սեպտեմբերի 24-ին Նշանակվել է արտակարգ իրավիճակների նախարարի տեղակալ, իսկ ապրիլի 12-ին՝ ՀՀ արտակարգ իրավիճակների նախարար: Նրա՝ որպես նախարարի գործունեությունից ոչինչ չի հիշվում, սակայն «Սուրմալու»-ի ողբերգական պայթյունի օրերին Արմեն Փամբուխչյանն ի ցույց դրեց իր կառավարման անկարողությունը, երբ իր օգնականի հետ մաքուր, փայլուն կոշիկներով նկարվում էր պայթյունի ֆոնին այն դեպքում, երբ պայթյունից մեկ տարի անց մինչ օրս, կա մեկ անհետացած մարմին «Սուրմալու»-ից: Մենք հերթով կանոնադաշնանք իշխող ԶԳ-ի կազմած ընտրացուցակի ներկայացուցիչներին:



ՀՀ Բարձրագույն դատական խորհրդի որոշմամբ պաշտոնավարումը դադարեցված ՀՀ վճռաբեկ դատարանի դատավոր Տիգրան Պետրոսյանը հանրագիր է ներկայացրել ԲԴԻ անդամներին, որով առաջարկել է կարգապահական վարույթ հարուցել ԲԴԻ նախագահ Կարեն Անդրեասյանի նկատմամբ վերջինիս կողմից դատավորի վարքագծի կանոնի խախտման, այն է՝ դատավորների կարգապահական վարույթների ընթացքում վարույթի կողմ հանդիսացող ՀՀ արդարադատության նախարար Գրիգոր Մինասյանի հետ առանձին հանդիպումներ ունենալու համար: Հիշեցնենք, որ ԲԴԻ շենքի մոտ գտնվող, ենթադրաբար Գ. Մինասյանին պատկանող սրճարանում այդպիսի մի հանդիպման փաստին ՋԼԱ-ներն արդեն անդրադարձել են, նույնիսկ հրապարակվել է հանդիպումներից մեկի տեսանյութը, հանդիպումների փաստն իր հարցազրույցում հաստատել է Գրիգոր Մինասյանը, իսկ Կարեն Անդրեասյանն էլ այն չի ժխտել: Այսինքն՝ ակնհայտորեն կա շահերի բախում: Ժողովուրդ օրաթերթի ձեռքի տակ է հայտնվել հանրագիրը ամբողջությամբ, որտեղ փաստարկված է, թե օրենքի ինչ կետեր է խախտել: Անդրեասյանը՝ իր ընկերոջը՝ նախարար Մինասյանին հանդիպելով: Ու հետաքրքիր է, թե ինչ որոշում կկայացնեն ԲԴԻ անդամները: Եթե նրանք չիրացնեն օրենքով իրենց վերապահված լիազորությունները եւ Կ. Անդրեասյանի նկատմամբ կարգապահական վարույթ չհարուցեն, ապա դա կնշանակի, որ այսուհետ Հայաստանի Հանրապետությունում բոլոր դատավորները դատարանների շենքերի մերձակա հասարակական սենդի օբյեկտներում կարող են անարգել հանդիպել իրենց վարույթում գտնվող գործերով կողմերին եւ շփվել նրանց հետ, քննարկել գործի հանգամանքները: Տիգրան Պետրոսյանի կողմից ներկայացված հանրագիրը՝ ArmLur.am կայքում:



Ազգային ժողովի «Քաղաքացիական պայմանագիր» խմբակցության պատգամավոր, նախկին հաղորդավար Լուսինե Բաղայանը՝ Լուլուն, ֆինանսական վիճակը բարելավել է: Նա 2022 թվականի վերջում 48 մլն դրամի վարկ է ունեցել, որը հիփոթեքով բնակարան ձեռք բերելու համար է նախատեսված, սակայն բուն հիփոթեքով ձեռք բերված բնակարանի մասին տեղեկություններ հայտարարագրում առկա չէ: «Ժողովուրդ» օրաթերթը տեղեկացավ, որ Արարատի մարզի Այնթափ համայնքում համատեղ սեփականության իրավունքով հողամաս ունի պատգամավորը եւ Աջափնյակ վարչական շրջանում էլ կրկին համատեղ իրավունքով բնակարան ունի՝ ձեռք բերված 2013 թվականին: ԶԳ-ական պատգամավորը մեքենա չունի: Լուսինե Բաղայանի հայտարարագրից տեղեկանում ենք, որ բանկային հաշիվներին առկա գումարը նվազել է՝ 456 հազարից դառնալով 198 հազար դրամ, սակայն ավելացել են կանխիկ դրամական միջոցները: Մասնավորապես, տարվա սկզբում նա ունեցել է 1500 դոլար, որը տարվա վերջում դարձել է 4 հազար դոլար, իսկ 2 մլն 600 հազար դրամն էլ դարձել է 3 մլն 500 հազար դրամ: Մեկ տարվա ընթացքում պատգամավորը վաստակել է 10 մլն դրամ, որից 8 մլն 320 հազար դրամը նրա աշխատավարձն է, իսկ 1 մլն 680 հազար դրամ էլ նա ստացել է Ֆինանսների նախարարությունից: Ինչի դիմաց է պատգամավորը Ֆինանսների նախարարությունից գումար ստացել, պարզ չէ. հայտարարագրում չի երևում: Նշված է նաեւ, որ նա մեկ տարվա ընթացքում 6 մլն 600 հազար դրամ է ծախսել վարկը մարելու համար: Եւ անհասկանալի է մնում, թե այդ դեպքում ինչպես են նրա կանխիկ միջոցներն աճել:



ԶՐՈՒՅՑ

# ԲՆԵՆ ԿՄԱՄՆԱԿՅԻՐ ԸՆՏՐՈՒԹՅՈՒՆՆԵՐԻՆ

«Ժողովուրդ» օրաթերթը գրուցել է Երեւանի ավագանու «Բարգավաճ Հայաստան» խմբակցության անդամ Միհայել Մանրիկյանի հետ՝ դարձելու համար, թե արդյոք իրենց կուսակցությունը մասնակցելու է սեպտեմբերի 17-ին կայանալիք Երեւանի ավագանու ընտրություններին: Մեր գրուցակցից փորձել ենք դարձել, թե ով է այս դասին առաջադրված թեկնածուներից համարվում ֆավորիտ: Մանրիկյանը նշել է նաև, թե Երեւանի նախկին քաղաքապետ Հայկ Մարության առաջադրումից ինչ փոփոխություններ կարող են լինել ավագանու ընտրությունների ելքում:

«Պարոն Մանրիկյան, պաշտոնապես հայտնի դարձավ, որ սեպտեմբերի 17-ին տեղի կունենան ավագանու ընտրություններ, իրավիճակն էլ գնալով կթեժանա: Նախ՝ Դուք ի՞նչ դիրքորոշում ունեք, եւ արդյոք «Բարգավաճ Հայաստան» կուսակցությունը մասնակցություն ունենալու է Երեւանի ավագանու ընտրություններին:

«Կուսակցությունում ակտիվ քննարկումները՝ պարոն Շառունկյանի գլխավորությամբ, իհարկե, շարունակվում են: Պարոն Շառունկյանը հանդիպում է տարածքային գրասենյակների ղեկավարների հետ, կուսակցության ակտիվի հետ, եւ մասնակցելու կամ չմասնակցելու հետ կապված առաջիկայում կլինի պաշտոնական հայտարարություն:

«Ինչի՞ շուրջ են նման երկար քննարկումները: Թեկնածուների՞ հետ է կապված, թե՞ մրցակցության, կամ միգուցե կա այլ պատճառ:

«Տանկացած ընտրության դեպքում դա կլինի ՏԻՄ ընտրություն, թե համապետական ընտրություն, կուսակցությունը մոտենում է լրջագույն տեսակ-



յունից: Մենք չենք ուզում մասնակցել մասնակցելու համար, պետք է նաև քննարկումներ ունենանք, լսենք մեր թիմակից ընկերների բարձրաձայնած առաջարկները, մտահոգությունները, խնդիրները, նոր կայացնենք որոշում: Եթե մասնակցում ենք, պետք է ունենանք արդյունք: Այդ իսկ պատճառով ակտիվի հետ կատարվում են քննարկումներ, մտացածր մոտ ապագայում կհայտնենք:

«Ի՞նչ կարծիքներ կան՝ ընտրությունների ելքի հետ կապված: Կան մարդիկ, ովքեր կարծում են, որ ամեն բան արդեն որոշված է, եւ մենք ունենք արդեն քաղաքապետ՝ Տիգրան Ավիսյանը: Ձեր կուսակցությունը ի՞նչ կարծիքներ է քննարկում:

«Թե կուսակցության, թե հանրության հետ շփվելիս, ընկերական շրջապատում այնպես չէ, որ միանշանակ համոզված են, որ արդեն ելքը որոշված է: Նախ պետք է հասկանալ վերջնական ցուցակում ովքեր են ներառված, թե ովքեր են վերջնական թեկնածուները, որովհետեւ, ինչպես հասկացա, մեկ տասնյակից ավելի կուսակցություններ ու դաշինքներ են մասնակցելու, եւ ինչպես մնացած բոլոր ընտրություններում, ֆավորիտ թեկնածու է համարվում իշխանության թեկնածու. դա չգրված օրենք է եւ նորմալ է: Կարծում եմ՝ թեկնածուների նախընտրական ծրագիրը ներկայացնելուց 7-10 օր անց մենք կհասկանանք, թե ինչ ակնկալիքներ պետք է ունենալ ընտրություններից:

Զրուցեց ՍՆՍԱ ԳՐԻԳՈՐՅԱՆԸ



## ԲԱՎԱՐԱՐ ՀՄԿՈՂՈՒԹՅՈՒՆ ՉԻ ԻՐԱԿԱՆԱՑՐԵԼ



Երեւանի փոխքաղաքապետ Գեորգ Սիմոնյանի շուրջ կատարվածը ընդամենը շուրջ էր: Ինչպես հայտնի է, ըստ Հակակոռուպցիոն կոմիտեի՝ Սիմոնյանը, պատասխանատու լինելով պետական ֆինանսավորման բաշխման համար, քվոր-սանիկական կապ ունենալով «Մեդլայն» կլինիկայի տնօրենի հետ, բավարար վերահսկողություն չի իրականացրել, ինչի հետեւանքով Բաբկեն Շահումյանը հափշտակել է շուրջ 120 միլիոն դրամ: Գեորգ Սիմոնյանը կալանավորվել էր, ապա ազատ արձակվել: «Ժողովուրդ» օրաթերթի տեղեկություններով՝ նա ակտիվ անցել է աշխատանքի Երեւանի քաղաքապետարանում: Մեր աղբյուրները փոխանցում են, որ Սիմոնյանը նորմալ աշխատանքի է հաճախում եւ իր շուրջ ստեղծված իրավիճակը փուչիկ է որակել: Նշենք, որ Կորոնավիրուսի տարածման շրջանում ենթադրյալ չարաշահումների գործով դեռ մարտ ամսին կալանավորվել էր նաև «Մեդլայն» բժշկական կենտրոնի տնօրենը, 10 բուժաշխատողներ ձերբակալվել էին, անգամ ծանուցագիր էր ուղարկվել առողջապահության նախկին նախարար Արսեն Թորոսյանին, սակայն մինչ օրս այս մասին որեւէ տեղեկություն առկա չէ՝ նախկին նախարարը հարցաքննվեց, թե ոչ: Այսինքն՝ հայտարարություն եղավ, թե չարաշահումներ են եղել, մարդիկ կալանավորվեցին, սակայն մինչև օրս վերջնական բացահայտում դեռ չկա:

## ԽՆԴԻՐՆԵՐ՝ ՀԻՄՆԱԲԿՈՒՄ

Երեւանի Մալաթիա-Սեբաստիա վարչական շրջանը շարունակում է մնալ աղբի ու գարշահոտության մեջ: Օրեր շարունակ չեն դատարկվում աղբամանները, աղբը թափված է ամենուր, իսկ վարչական շրջանի ղեկավարը չի էլ մտածում լուծել աղբահանության խնդիրները: Ամբողջ վարչական շրջանով մեկ աղբակույտներ են, աղբամաններից աղբը դուրս է թափվում, այն էլ՝ տուրիստական այս թեժ շրջանում:

«Ժողովուրդ» օրաթերթը կապ հաստատեց Երեւանի Մալաթիա-Սեբաստիա վարչական շրջանի ղեկավար Արման Բարխուդարյանի հետ՝ պարզելու, թե ինչու է նման իրավիճակ վարչական շրջանում:

Բարխուդարյանի խոսքով՝ աղբահանություն իրականացնող ընկերությունում այս պահին խնդիրներ կան:

«Աղբահանության հիմնարկում տեխնիկական խնդիրներ են առաջացել, եւ այդ մասին հրապարակապես հայտարարված է. մոտ օրերս խնդիրը կլուծվի»

ՄԱՇԱ ՄԵԼՐՈՆՅԱՆ

## ԸՆՏՐՈՒԹՅՈՒՆՆԵՐ

# ՈՎՔԵՐ ԵՆ ԼԻՆԵԼՈՒ ԶԱՐՈՋԱՐՇԱՎԻՆ

Ինչդեռ արդեն հայտնի է, սեպտեմբերի 17-ին տեղի են ունենալու Երեւանի ավագանու ընտրությունները:

«Ժողովուրդ» օրաթերթը տեղեկացավ, որ Երեւանի փոխքաղաքապետ Տիգրան Ավիսյանը, որը ղեկավարելու է Երեւանի ավագանու իշխանական ցուցակը, արդեն մոտավորապես ծրագրել է, թե ովքեր են լինելու ավագանու ընտրությունների ցուցակում: Մեր աղբյուրների փոխանցմամբ՝ նախ պլանավորված է, որ Ավիսյանի հետ ցուցակում պետք է պարտադիր լինի եւ բոլոր քարոզարշավներին մասնակցի Լեւոն Հովհաննիսյանը, որն այս պահին քաղաքապետի տեղակալն է, ինչպես նաև Երեւանի քաղաքապետի ժամանակավոր պաշտոնակատարն է:

Ցուցակում պարտադիր լինելու են նաև Արմեն Կոտոլյանը, Արմեն Հարությունյանը, որը վարչապետի աշխատակազմի ղեկավար Արայիկ Հարությունյանի եղբայրն է, Արմեն Ղալիջյանը, Արմեն Գալջայանը, Նուարդ Վարդանյանը, որը արդեն հայտնի է, որ կզբաղեցի կուսակցության 3-րդ համարը, Լեւոն Զաքարյանը, Արթուր Իսախոյանը, Մարատ Թոխյանը, Լուսինե Գեորգյանը, Արմեն Սարգսյանը, Աշոտ Սարգսյանը, որն առողջապահության նախկին նախարար, ներկայիս պատգամավոր Արսեն Թորոսյանի ընկերն է, Արթուր Մայիսյանը, Վազգեն Դարբինյանը, Հայկ Միրզոյանը, Պավել Սարգսյանը, Դիանա Քերոբյանը,



Գառնիկ Վարդանյանը, որը կառավարությունում է աշխատում, եւ Մանուել Մարգարյանը:

«Ժողովուրդ» օրաթերթի աղբյուրները փոխանցում են, որ վերոնշյալ ցուցակը գրեթե հաստատված է, բայց պետք է վերջնական քննարկվի Նիկոլ Փաշինյանի հետ: Այս ցուցակում ուզում են ներառել նաև Հայաստանի Հանրապետության վարչապետի աշխատակազմի ղեկավար Արայիկ Հարությունյանի թիմակիցներին: Հարությունյանը նշել է, որ պետք է մարդիկ ունենա Երեւանի ավագանու կազմում: Պետք է մարդիկ ներգրավված լինեն նաև պաշտ-

յանության նախկին նախարար Սուրեն Պապիկյանի թիմակիցներից, եւ վերջինիս ասվել է, որ ցուցակ ներկայացնի: Ըստ շրջանառվող լուրերի՝ Արսեն Թորոսյանը եւս ցանկանում է իր վստահելի մարդկանցից մի քանիսին ներառել այս ցուցակում:

Հիմա թեժ պայքար է ընթանում այս անձանց ցուցակում ներառելու համար. յուրաքանչյուրն ուզում է իր ցանկալի մարդուն ներառել, բայց վերջնական որոշումը պետք է կայացնի Փաշինյանը: Վերոնշյալ մարդիկ այս պահի դրությամբ արդեն վերջնական ներառված են:

ՄԱՇԱ ՄԵԼՐՈՆՅԱՆ

ԻՐԱՎԻՃԱԿ

ՀԱՅՏԱՐԱՐԱԳԻՐ

ՔԱՂԱՔԸ՝ ԱՂԻՄԵՋ



Երեւանի վարչական շրջանները շարունակում են մնալ աղբի ու գարշահոտության մեջ: Օրեր շարունակ չեն դատարկվում աղբամանները, աղբը թափված է ամենուր, իսկ վարչական շրջանների դեկավարները չեն էլ մտածում լուծել աղբահանության խնդիրները: Ամբողջ Երեւանով մեկ աղբակույտեր են, աղբամաններից աղբը դուրս է թափվում, այն էլ՝ տուրիստական այս թեժ շրջանում:

«Ժողովուրդ» օրաթերթի թղթակիցը ֆիքսել է Երեւանի Շենգավիթ եւ Մալաթիա-Սեբաստիա վարչական շրջաններում տիրող իրավիճակը: Հուսով ենք՝ մի օր վարչական շրջանների դեկավարները կվերանայեն իրենց գործելաոճը եւ հատուկ ուշադրություն կդարձնեն փողոցների մաքրությանը:

ՄԱՇՍ ՄԵԼՔՈՆՅԱՆ ՄԱՐԻԱՍ ՂԱԶԱՐՅԱՆ

7 ՄԻԼԻՈՆ ԴՐԱՄ ԱՃԻԱՏԱՎԱՐՁ

«Քաղաքացիական պայմանագիր» խմբակցության պատգամավոր Սոնա Ղազարյանը ներկայացրել է 2022 թվականի հայտարարագիրը: Ըստ նրա հայտարարագրի՝ 2020 թվականին Ղազարյանը ձեռք է բերել նոր բնակարան Կոտայքի մարզի Առինջ գյուղում: Նշված բնակարանը ձեռք է բերվել հիփոթեքով, իսկ ստացված վարկերի եւ փոխառությունների մայր գումարի մնացորդը հաշվետու տարվա դեկտեմբերի 31-ի դրությամբ կազմել է 14 մլն 897 հազար դրամ, որը նշված հիփոթեքի գումարի մնացորդն է հայտարարատու տարում:

Ղազարյանը եկամտահարկի վերադարձի օրենքով ֆինանսների նախարարությունից ստացել է 1 մլն 757 հազար դրամ: Ղազարյանի ամուսինը՝ Դավիթ Բանուցյանը, որն աշխատում է Հանրային հեռուստաընկերությունում, 2021 թվականին արտադրության, MAZDA մակնիշի: Ամուսնու եկամուտները հաշվետու տարում կազմել են 19 մլ 111 հազար դրամ:

«Ժողովուրդ» օրաթերթը բազմիցս է անդրադարձել ԶԳ-ական պատգամավորների ձեռք բերած տներին: Ղազարյանն այն անտուններից մեկն է, որը տան տեր է դարձել պատգամավոր դառնալուց հետո:

Պատգամավորի բանկային հաշիվների մնացորդները կազմել են 441 հազար դրամ, իսկ հաշվետու տարվա եկամուտները կազմել են 9 մլն 660 հազար դրամ, որից 7 մլն 902 հազար դրամն աշխատանքի վարձատրություն է Ազգային ժողովի աշխատակազմից:

ԷՄՄԱ ՄԻՔԱՅԵԼՅԱՆ

ՀԱՅԿ ՄԱՐԳԱՅԱՆԸ՝ ՀԱԶԱՐԱՎՈՐ ԴՈԼԱՐՆԵՐԻ ՏԵՐ

ՀՀ Ազգային ժողովի «Քաղաքացիական դայմանագիր» խմբակցության պատգամավոր Հայկ Մարգայանը 2022 թվականի հայտարարատու տարում հայտարարագրել է մեկ շնորհակցություն: Այն, Հայաստանի Հանրապետության օրենսդրության համաձայն, նոր կառուցված, ձեռք բերված եւ անճարժ գույքի կադաստր վարող լիազոր մարմնի կողմից հաշվառված ու գնահատված շնորհակցություն է, որը դեռեւս չի ստացել իրավունքների դեկլարացիայի գրանցում: Շնորհակցությունը գտնվում է Երեւանի Մարալի վարչական շրջանում, որը 2017 թվականին նվիրատվություն է ստացել թե ումից, նշված չէ:



Նա հայտարարագրել է 2 մարդատար ավտոմեքենա՝ 2005 թվականի արտադրության MERCEDES-BENZ, որը ձեռք է բերվել 2017 թվականին, եւ 2013 թվականի արտադրության LEXUS, որը ձեռք է բերել 2018 թվականին տեղի ունեցած հեղափոխությունից հետո:

Բանկային հաշիվների մնացորդները կազմել են 2 մլն 952 հազար դրամ, իսկ կանխիկ դրամական միջոցները կազմել են 25 մլն դրամ եւ 59 հազար դրամ: Պատգամավորի հաշվետու տարվա եկամուտները կազմել են 10 մլն 370 հազար դրամ, որից 10 մլն 281 հազարը աշխատանքի վարձատրություն է Ազգային ժողովի աշխատակազմի կողմից:

«Ժողովուրդ» օրաթերթը բազմիցս անդրադարձել է ԶԳ-ական այն պատգամավորների ունեցվածքին, ովքեր հեղափոխությունից հետո կարողացել են ավելացել իրենց կարողությունը:

Մարգայանի կիևը՝ Օլյա Հայրապետյանը, հայտարարագրել է 10 մլն 300 հազար դրամ եւ 25 հազար 500 դրամ կանխիկ գումար, իսկ նրա բանկային դրամական

հաշիվների մնացորդները կազմել են 397 հազար դրամ:

Օլյա Հայրապետյանը ստացել է 955 հազար դրամ տարեկան եկամուտ, «ԿԻԵՎ» ՍՊԸ-ից, որպես աշխատանքի վարձատրություն՝ 831 հազար դրամ, իսկ «ՍՎԵՏԼԼԱՆՆԱ» ՍՊԸ-ից՝ 124 հազար դրամ որպես ձեռնարկատիրական գործունեությունից ստացված եկամուտ: Այսինքն՝ «ՍՎԵՏԼԼԱՆՆԱ» ՍՊԸ պատկանում է Սարգսյանի կնոջը, այն զբաղվում է մանրածախ առևտրով: Կազմակերպությունը գրանցված է այն հասցեում, որտեղ գրանցված է նաև Օլյա Հայրապետյանը:

Հիշեցնենք նաև, որ Հայկ Մարգայանը հանդիսանում է «Քաղաքացիական պայմանագիր» կուսակցության անդամ, Հայաստանի Հանրապետության Ազգային ժողովի 7-րդ գումարման եւ 8-րդ գումարման պատգամավոր:

«Իմ քայլը» դաշինքից ՀՀ Ազգային ժողովի պատգամավոր դառնալուց հետո Հայկ Մարգայանը հաճախ հայտնվել է հայաստանյան մամուլի քննադատության կենտրոնում: Նրա մասին իրապարակումներում հաճախ նա ներկայացվում է որպես Նիկոլ Փաշինյանի «ախրանիկ» կամ «ջրի շիժ բռնող»:

ԷՄՄԱ ՄԻՔԱՅԵԼՅԱՆ

ՕՐՎԱ ԽՃԱՆԿԱՐ

ԱԶԱՏՄԱՆ ԴԻՄՈՒՄ Է ՆԵՐԿԱՅԱՑՐԵԼ

ԿԳՄՍ փոխնախարար Արա Խզմալյանը պաշտոնից ազատման դիմում է ներկայացրել: Այս մասին հայտնում են ԿԳՄՍ-ից:

Հիշեցնենք, որ հուլիսի 17-ին «Մետրոպ Մաշտոցի անվան հին ձեռագրերի գիտահետազոտական ինստիտուտ» հիմնադրամի հոգաբարձուների խորհուրդի միաձայն ձայնով՝ Արա Խզմալյանը ընտրվել է Մատենադարանի տնօրեն, եւ, ըստ օրենքի, նա երկու պաշտոնը համատեղելու իրավունք չունի:

ՆՈՐ ՆՇԱՆԱՎՈՒՄ

Հայաստանի Հանրապետության քննչական կոմիտեի նախագահ Արգիշտի Քյարամյանի հրամանով՝ Սարգիս Մարգարյանը նշանակվել է ՀՀ քննչական կոմիտեի Գեղարքունիքի մարզային քննչական վարչության պետ՝ ազատվելով Սյունիքի մարզային քննչական վարչության պետի պաշտոնից:

ԵՎՐԱՄՈՐՀՐԳԱՐԱՆԻ ՊԱՏԳԱՄԱՎՈՐԻ ԿՈՉԸ

Եվրախորհրդարանի պատգամավոր Ֆաբիո Մասսիմո Կաստալդոն Ադրբեջանի իշխանություններից պահանջել է ան-



հապաղ դադարեցնել Լեռնային Ղարաբաղի շրջափակումը:

«Ավելի քան 7 ամիս առաջ ադրբեջանցի կեղծ էկոակտիվիստները փակեցին Հայաստանը Լեռնային Ղարաբաղին կապող միակ ճանապարհը: Ատելությամբ լցված այդ վարքագիծը սննդի բացակայության եւ առողջապահական ծառայությունների հասանելիության խոչընդոտման պատճառով վտանգի տակ է դնում հարյուրիավոր մարդկանց կյանքը: Ադրբեջանի կառավարությունից պահանջում ենք անհապաղ դադարեցնել շրջափակումը եւ թույլատրել առաջին անհրաժեշտության ապրանքների տարանցումը: Մենք չենք կարող լռություն պահպանել մարդկության դեմ հանցագործություն հանդիսացող այս վայրագությունների նկատմամբ»,- գրել է Կաստալդոն Twitter-ի իր միկրոբլոգում:

ՀՀ ԳՇ ՊԵՏԸ՝ ԱՄՆ-ՈՒՄ

Աշխատանքային այցով ԱՄՆ-ում գտնվող ՀՀ ԳՇ ՊԵՏ պետ, պաշտպանության նախարարի առաջին տեղակալ, գեներալ-լեյտենանտ Էդվարդ Ասրյանը մայրաքաղաք Վաշինգտոնում մասնակցել է ԱՄՆ Ազգային գվարդիայի նախնազային համագործակցության ծրագրի 30-ամյակին նվիրված համաժողովին: Միջոցառման ընթացքում տեղի են ունեցել հանդիպումներ ԱՄՆ Ազգային գվարդիայի բյուրոյի պետ, գեներալ Ռանիել Յոկանտոնի, ԱՄՆ Եվրոպական հրամանատարության ռազմավարության, պլանավորման եւ քաղաքականության հարցերով տնօրեն, գեներալ-մայոր Ռանիել Լասիկայի եւ Կանգաս Նահանգի ադյուտանտ գեներալ, Ազգային գվարդիայի հրամանատար, բրիգադի գեներալ Մայքլ Վեներդիի հետ:



ԶԱՅՆԱԳՐՈՒԹՅՈՒՆՆԵՐ

ՌՈՒԲԵՆ ՎԱՐՂԱԶԱՐՅԱՆԸ՝ ՎԵՐԱԳԱՐՁԻ ՄԱՍԻՆ

ԲԳԽ նախկին նախագահ Ռուբեն Վարդազարյանի եւ ԲԳԽ նախագահի նախկին դասնակասար, ՀՀ նախկին զինդասախազ Գագիկ Ջհանգիրյանի խոսակցության ձայնագրության հիման վրա նախաձեռնված վարույթը նորից կվերաբացվի: Հակակոռուպցիոն դասարանը՝ դասավոր Մերի Մոսինյանի նախագահությամբ, վերացրել է ֆրեական վարույթը կարճելու որոշումը: Այժմ ազմկահարույց ձայնագրությունների գործը կրկին զսնվում է Հակակոռուպցիոն կոմիտեում:



Յոթնամյա Ռուբեն Վարդազարյանը հրավիրած ասուլիսում ազմկահարույց ձայնագրություն էր հրապարակել, որով հիմնավորվում էր, որ ԲԳԽ նախագահի պաշտոնակատար Գագիկ Ջհանգիրյանը փորձել է պարտադրել Վարդազարյանին հրաժարական տալ: Ազմկոտ գրույց-պահանջը տեղի է ունեցել ընթացիկ սեղանի շուրջ, որին ներկա են եղել ոչ միայն Վարդազարյանն ու Ջհանգիրյանը, այլ նաև ԲԳԽ անդամ Ստեփան Միքայելյանը: Հրապարակված ձայնագրությունից հետևում էր, որ Վարդազարյանին վարչապետի անունից առաջարկվել է հրաժարական տալ, իսկ Ջհանգիրյանն էլ ստանձնել է միջնորդի դեր՝ երաշխավորելով, որ նրա նկատմամբ հետապնդումներ չեն իրականացվի, եթե հրաժարական ներկայացնի: Ջհանգիրյանը Հանրապետության անձամբ խոստովանել է, որ բանակցություններ իսկապես վարել է Վարդազարյանի հետ հրաժարական տալու համար:

Այնպես, որ ԲԳԽ նախագահին հրաժարական պարտադրելն այնքան էլ հեշտ գործ չէ, ու ինքը հոգեբանական հնարքներ է կիրառել, «կուտ տվել»: Ազմկահարույց ձայնագրությունից եւ առավել անհասկանալի հարցազրույցից օրեր անց հայտարարվեց, թե Գագիկ Ջհանգիրյանն ունի առողջական խնդիրներ եւ ենթարկվել է վիրահատության: Այնպես էր, որ Ջհանգիրյանը առողջական խնդիրների քողի ներքո պատրաստվում է հրաժարական տալ, իսկ հուլիսի 1-ին արդեն պաշտոնապես հաստատվեց՝ Ջհանգիրյանը հրաժարականի դիմում է ներկայացրել: ՀՀ քննչական կոմիտեում նշված ձայնագրության կապակցությամբ նախապատրաստված կյուրթերով նախաձեռնվել էր քրեական վարույթ, որը դեկտեմբերին կարճվել է՝ հանցանքի բացակայության հիմքով: Նշված որոշման դեմ Վարդազարյանը բողոք էր ներկայացրել, սակայն, մինչ բողոքը կատարվեր, ՀՀ գլխավոր դատախազի տեղակալ Արթուր Պողոսյանը սեփական նախաձեռնությամբ վերացրել էր քննչի որոշումը՝ ըստ քննչական ենթակայության գործը Հակակոռուպցիոն կոմիտեուղարկելու որոշում կայացնելով: Միե-

ՈՂԲԵՐԳՈՒԹՅՈՒՆ

ՄԱՆՐԱՄԱՍՆԵՐ՝ 20-ԱՄՅԱ ՏՂԱՅԻ ՄՊԱՆՈՒԹՅՈՒՆԻՑ



«ժողովուրդ» օրաթերթի հետ զրույցում Բյուրեղավանում սպանված 20-ամյա Կարենի քույրը՝ Սառան, որի անունը հարգելի պատճառներով փոփոխության է ենթարկվել, մեզ մանրամասներ հայտնեց ողբերգական դեպքից: Ըստ Սառայի՝ իր եղբայրը երկու ընկերների հետ գարեջրատուն է գնացել, որտեղ մնացել են 1 ժամ: «Եղբայրս՝ Կարենը, անգամ հարբած չի եղել, ուղղակի ընկերներով, Վարդավառ է եղել, գնացել էին գարեջրատուն, իսկ եղբորս բանակի քեֆը եղել էր 10 օր առաջ: Տաքսիստը եղել է եղբորս ընկերներից մեկի հորեղբոր տղան, որը նրանց տարել էր գարեջրատուն, եւ պայմանավորվել էին, որ նա էլ գնալու էր, նրանց կրկին գյուղ տաներ: Չանգահարել են տաքսիստին, նա ասել է, որ հիմա հարմար չէ՝ գա իրենց հետեւից: Իմ եղբայրը իր երկու ընկերների հետ որոշել են ոտ-ոտ իջնել, մինչեւ տաքսիստը կգա: Ճանապարհից իջնելիս նորից զանգահարում են տաքսիստին ու ասում են՝ բա ի՞նչ եղար, քեզ ենք սպասում: այլ բան չի եղել», - պատմում է նա: Մեր հարցին՝ հայիոյանքներ չեն հնչել արդյոք տաքսիստի հասցեին, նա կշտեց. «Տաքսու վարորդը եղել է Արթուրը: Տաքսու վարորդը եկել է տղաների հետեւից, եւ նրա հետ է եղել Միերը, որը հայտնի է նույն քաղաքում որպես հարբեցող, թմրանյութ օգտագործող: Երբ տաքսին կանգնել է, ու իմ եղբայրը երկու ընկերների հետ մոտեցել են՝ նստեն տաքսին, նույն րոպեին մեքենայից իջել է Միերը ու միանգամից կտրել է եղբորս պարանոցը ու հարվածել երկու երիտասարդներին, որոնք եղել են եղբորս հետ: Իսկ ինչ վերաբերում է Միեր կոչեցյալին, ապա ոստիկանությունում ցուցմունքներ կան, որ նա տարիներ առաջ մեկին կացնահարել է: Կրկնում եմ իմ եղբայրը հարբած չի եղել, վիճաբանություն չի եղել, ամեն ինչ եղել է այդ Միերի պատճառով, որը եղել է աֆեկտի ազդեցության տակ»:

Զ. ՄԱՆՈՒԿՅԱՆ

ՄԵՂԱԴՐԱՆԵ

ԿԱԼԱՆԱՎՈՐՄԱՆ ՀԱՐՑԸ՝ ՎՃՌԱԲԵԿՈՒՄ

«ժողովուրդ» օրաթերթի հետ զրույցում Սերժ Սարգսյանի թիկնազորի նախկին պետ Վաչագան Ղազարյանի փաստաբան Միեր Հակոբյանը հայտնել է, որ Վաչագան Ղազարյանի խափանման միջոց կալանավորման հարցով բողոք են ներկայացրել ՀՀ վերաքննիչ դատարան, սակայն վերաքննիչ դատարանը մերժել է նրա կալանավորման դեմ փաստաբանների ներկայացրած բողոքը, եւ հիմա նրանք դիմել են ՀՀ վճռաբեկ դատարան եւ մինչ օրս պատասխան չունեն: Այս պահին Վաչագան Ղազարյանը գտնվում է ԱԱԾ մեկուսարանում: Մայիսի 28-ին գրել էինք, որ, «ժողովուրդ» օրաթերթի բացառիկ տեղեկությունների համաձայն, կալանավորվել է Սերժ Սարգսյանի թիկնազորի նախկին պետ Վաչագան Ղազարյանը: Նա 5 տարի առաջ էլ՝ հունիսի 25-ին, ձերբակալվել էր բանկից դուրս գալիս: Նրա ճամպուրակում հայտնաբերվել էր 120.000 դոլար եւ 436 մլն դրամ:

Ավելին՝ մանրամասնել էինք, թե ինչ քրեական վարույթի շրջանակներում է կալանավորվել Սերժ Սարգսյանի թիկնազորի նախկին պետ Վաչագան Ղազարյանը: «ժողովուրդ» օրաթերթին հասած բացառիկ տեղեկությունների համաձայն՝ ԱԱԾ-ում քրեական վարույթ կա ՊՆ-ի հողատարածքների ապօրինի վաճառքի մասով, եւ, ահա, այս քրեական վարույթի շրջանակներում էլ կալանավորել են Վաչագան Ղազարյանին:

ԵՐԵՒԱՆ՝ ԲԵՌՆԱԽՑԻԿՈՒՄ

Ավանիճ գյուղի դպրոցականները վիճել են, տղաներից մեկի հայրը երեխային մտցրել են բեռնախցիկը: Մեզ հայտնի դարձավ որ Ավանիճ գյուղի Գառնիկյան թաղամասի 1-ին շենքի 12-րդ բնակարանի բնակչուհի Գոհար Մարգարյանը ՀՀ ՆԳՆ ոստիկանության Սեծամորի բաժնում հաղորդում է ներկայացրել այն մասին, որ 21.12.2022թ. Արմավիրի մարզի Ավանիճ գյուղի միջնակարգ դպրոցում ժամը 09:30-ի սահմաններում իր տղայի՝

Արմեն Մարգարյանի եւ վերջինիս դասընկեր Արտեմի միջեւ վիճաբանություն է տեղի ունեցել, սակայն վիճաբանության ժամանակ նրանք միմյանց չեն հարվածել, վիճաբանությունը եղել է որպես լեզվակռիվ, ինչը որոշ ժամանակ անց հարթվել է: Այնուհետեւ՝ 22.12.2022թ., Ավանիճ գյուղի նույն դպրոցում առավոտյան ժամը 09:40-ի սահմաններում իր տղայի եւ Արտեմի միջեւ նորից վիճաբանություն է տեղի ունեցել միմյանց վիրավորելու ձեռով, որից հետո Արտեմը զանգահարել է իր հայր Հարություն եւ տեղեկացրել է, որ նորից վիճել են: Որոշ ժամանակ անց Հարությունը գնացել է դպրոց եւ բռնի ուժով բռնելով իր երեխայի պարանոցից, քաշելով՝ ստիպողաբար իր որդի Արմենին զցել է իր կողմից վարվող «Մերսեդես Բենց» մակնիշի ավտոմեքենան եւ փորձել է շարժվել: Որդու դասուղեկ Մանուկյանը եւ նախկին դասուղեկ Շահբազյանը ստիպողաբար վերցրել են Հարության մեքենայի վրայից բանալիները եւ իր տղային հանել են բեռնախցիկից դուրս: Հարություն Աբրահամյանին մեղադրանք է առաջադրվել: **Նյութերը՝ ԶՍՈՐ ՄԱՆՈՒԿՅԱՆԻ**

● Ըստ ոստիկանության տվյալների՝ հուլիսի 17-ից 18-ը Հայաստանի Հանրապետությունում բացահայտվել է հանցագործության 51 դեպք, որոնցից 3-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԿԱՌՈՒՑԱԾԻ ՎԵՐՋԸ ՉԻ ԵՐԵՎՈՒՄ

2017թ. հունիսի 6-ին Նոյեմբերյանի տարածաշրջանի սահմանամերձ Կողբ գյուղում տեղի ունեցավ «Թում» կենտրոնի հիմնարկի արարողությունը: Այդ միջոցառմանը մասնակցում էին հանրապետության նախագահ Սերժ Սարգսյանը, պաշտպանության նախարար Վիգեն Սարգսյանը, «Սիմոնյան» կրթական հիմնադրամի տնօրեն Սեմ Սիմոնյանը, Տավուշի մարզպետ Յուրի Աբովյանը, «Կողբ» հիմնադրամի նախագահ Արման Բարսեղյանը, այլ պաշտոնյաներ, արտերկրից բազմաթիվ հյուրեր: Հանդիսավոր արարողության ժամանակ բազմաթիվ ելույթներ հնչեցին, հայտարարվեց, որ «Թում» կենտրոնը կկառուցվի Լուս-Անջելեսից եւ Բուենոս Այրեսից բարեգործների, «Կողբ» հիմնադրամի, Մոնակոյից «Առաքելություն մանկություն» բարեգործական կազմակերպության, Յուրբ-մի, աշխարհահռչակ «Ֆեդեքս» ընկերության հայաստանյան ներկայացուցչության ֆինանսական միջոցներով:

Հիմնարկի արարողության ժամանակ հայտարարվեց, որ «Թում» կենտրոնը կբաղկեն 2200 քառակուսի մետր տարածք, կենտրոն կհանձնվեն Կողբից ու Նոյեմբերյանի տարածաշրջանի բնակավայրերից 600-1000 երեխա, կենտրոնի ծառայություններից առավելագույն ժամերին կօգտվեն նաև կենտրոնի հարեանությանը տեղակայված Կողբի սահմանափակ գործառնական զինծառայողները: Հիմնարկի հանդիսավոր միջոցառման ժամանակ հայտարարվեց, որ «Թում» կենտրոնը կգործարկվի մեկ տարուց: Անցել է ավելի քան 6 տարի, սակայն կենտրոնը չի գործարկվում: Անցած 6 տարում մի քանի անգամ «Թում» կենտրոնի շինարարությունը դադարել է, որի պատճառը եղել է ֆինանսական միջոցների պակասը: Այժմ կենտրոնի շինարարությունը մտել է եզրափակիչ փուլ, սակայն հայտնի չէ, թե երբ կսկսվի այդ կենտրոնի շահագործումը:

ԳԱՂՏԻ ԲԱՐԵՐԱՐԸ

Դիլիջանի համայնքապետարանի ինտերնետային կայքը հայտնում է, որ բարերարի աջակցությամբ այժմ վերանորոգվում են Դիլիջան քաղաքի կենտրոնական հրապարակի գիշերային լուսավորության լապտերները: Դիլիջանի համայնքապետարանի եւ բարերարի միջեւ պայմանավորվածության համաձայն՝ այդ լապտերները համահունչ են լինելու քաղաքի կենտրոնական հրապարակի, դրանց հարակից շինությունների ճարտարապետությանն ու շրջակա բնությանը: Համայնքապետարանի հարդարագրության միջ բարեգործի անունը չի նշվում: Դրա պատճառը կարող է լինել երկուսը՝ բարեգործը չի ցանկացել, որ իր անունը, թեկուզ բարեգործական ձեռնարկով, առնչվի Դիլիջանի քաղաքի ՔՊ-ական իշխանության հետ, կամ էլ բարեգործի անունով հանդես եկողը նաև այլ ոչ բարեգործական առնչություններ ունի Դիլիջանի համայնքապետարանի հետ, ուստի նպատակահարմար չի համարվել նրա անունը հանրայնացնելը: **ՈՍՎԻՍ ՄԱՐԳԱՅԱՆ Տավուշ**

ՀԱՐՑԱԶՐՈՒՅՑ

«ԿՎԵՐԱԴԱՌՆԱՄ», ԵՄ ՊԱՏՎԻՐԱԿՈՒԹՅԱՆ ՂԵԿԱՎԱՐ

«Ժողովուրդ» օրաթերթը գրուցել է ԵՄ դասվիրակության ղեկավար Անդրեա Վիկտորինիի հետ:

-Ինչպե՞ս ստացվեց, որ Հայաստանում առաջին անգամ նշանակվեցիք դեսպան: Ի՞նչ նախապատմություն կա առաջին նշանակման հիմքում: Կխնդրե՞մ համառոտ պատմեք, թե ինչպես ընդունեցիք այդ առաջարկը:

-Առաջին դեպքում այս պաշտոնի առաջարկը ստացել եմ իմ երկրի՝ Գերմանիայի արտաքին գործերի ծառայության կողմից. ես արդեն եղել էի այստեղ, իսկ Եվրամիության համակարգում դա իմ որոշումն էր: Դու դիմում ես, քեզ ընտրում են: Հայաստանում 2018-ին տեղի ունեցած հեղափոխությունից հետո շատ մեծ էր ցանկությունս այդ փոփոխության մասը լինել, եւ սա էր հիմնական պատճառը, որ ես 2019 թվականին եկա Հայաստան առաջին անգամ: Հայաստանի վերաբերյալ իմ ընկալումները լիարժեք չէին: Բնականաբար, գիտեի, թե ուր եմ գնում, ինչ երկիր է, գիտեի՝ ընդհանուր քաղաքական ինչ վիճակ է, բայց երկրորդ անգամ երբ վերադարձա, նորովի բացահայտեցի երկիրը: Հասկացա, որ սա միանգամայն այլ երկիր է: Հեղափոխությունից հետո մեծ փոփոխություններ էին տեղի ունեցել մարդկանց շրջանում, Երեւանն այլ էր, կարելի էր ասել՝ ավելի ակտիվ ու բաց քաղաք էր՝ գաղափարներով ու տեսլականներով լի:

-Երբ արդեն երկրորդ անգամ, որպես ԵՄ դեսպան, նշանակվեցիք, եկաք Հայաստան, ո՞վ կամ ովքե՞ր դիմավորեցին Ձեզ, եւ ինչպիսի՞ փոփոխություններ նկատեցիք մեր երկրում առաջին հայացքից:

-Կեսգիշերին ինձ դիմավորեց պատվիրակության ամբողջ անձնակազմը, եւ դա շատ հետաքրքիր փորձ էր, նրանք էլ էին հոգնած, եւ էլ, բայց ընդունելությունը շատ ջերմ էր: Հետո օրեր էին լինում, որ ես գնում էի ինձ ծանոթ վայրեր, փորձում էի այցելել ինձ հետաքրքիր սրճարաններ, նախկինից ծանոթ կամ նոր վայրեր, որոնք փորձում էի բացահայտել: Հին վայրերից բոլորը չէ, որ գտա, սակայն այն, ինչ գտա, զգացի, որ դրական փոփոխել են: Հայաստանում իմ երկրորդ առաքելության սկիզբն իսկապես դրական էր:

-Դուք ուրիշ մշակույթ, կենցաղավարություն եւ ավանդույթներ ունեք: Հայաստանում առկա ավանդույթների, կենցաղի ու մշակույթի մեջ ի՞նչ նմանություններ եք գտել, ինչպե՞ս եք հարմարվել մեր սովորույթների հետ:

-Նախ պետք է նշել, որ հետաքրքրասեր մարդ եմ: Այս մասնագիտությունն էլ ընտրել եմ, որպեսզի հնարավորություն ունենամ այլ մշակույթ ունեցող վայրերում ապրել: Եվ դա նշանակում է, որ պետք է կարողանալ ճանաչել այլ մշա-



կույթ կրող մարդկանց ու հասկանալ՝ նրանց հետ ինչպես են աշխատել: Եթե դիվանագետը հավատարիմ մնա իր երկրի մտածելակերպին, ապա անհնար կլինի հասկանալ այլ երկրի մտածելակերպը, եւ այդ առումով ես բավականին բաց եմ: Յուրահատկություններից կարող եմ նշել հայերի հյուրընկալությունը եւ հյուրասիրությունը, որը եվրոպացու համար կարող է երբեմն շատ թվալ, սակայն այստեղ պարզապես ընդունված է իրար այդ միջոցով հարգել-պատվել, ուստի-խմել: Ես մի օր պարզապես սկսեցի պայման դնել մարդկանց առջեւ. ես կընդունեմ Ձեր հրավերը, եթե ինձ չստիպեք ուսուլիսել:

-Հայաստանի քաղաքացիներին, կանանց, լրագրողներին, քաղաքական գործիչներին, պաշտոնյաներին ի՞նչ խորհուրդ կտաք՝ որպես ԵՄ դեսպան. Ձեր ազդեցիկ խոսքը շատ կարեւոր է:

-Կարծում եմ՝ Հայաստանը եւ հայ ժողովուրդը դժվար եւ բարդ ժամանակաշրջան են անցել: Ես այստեղ էի Քոլիդի համավարակի ժամանակ, առաջին անգամ ընթացքում, որից հետո՝ ներքին քաղաքական հարցերը, արտաքինը ընտրությունները, ցույցերը եւ այլն: Այս ամենի լուծումը միայն երկխոսությունն է: Գուցե դժվարություններից ելնելով՝ մարդիկ հաճախ դիմում են ատելության խոսքին, շատ են քննադատում մյուսներին, առանց նրանց լսելու: Ցանկալի է, որ այդպես չլինի: Հայերը մեծ ներուժ ունեցող, ստեղծարար մարդիկ են: Այստեղ ունեք տեղեկավարական տեխնոլոգիաների ոլորտի ուղղությամբ մեծ հնարավորություններ, եւ անհրաժեշտ է, որ մարդիկ համատեղեն ջանքերը, այլ ոչ թե պայքարեն միմյանց դեմ: Այստեղ ես տեսնում եմ հասարակության

կոնկրետ խմբեր, եւ այն, ինչ նրանք անում են, առողջ չէ: Շատ է ապատեղեկատվությունը: Իսկապես կուզեի, որ էթիկական կանոններ պահվեին հենց լրագրության մեջ, կարողանային զարգացնել երկիրը յուրաքանչյուրն իր ոլորտում: Երիտասարդներն այնքան շատ են երգիչա ունեն, նրանք ուզում են տեսնել ու անել փոփոխություններ, եւ հենց դրա համար ես նրանց շատ եմ սիրում: Առանց անտեսելու բարդ իրավիճակները, ես ցանկանում եմ մաղթել Հայաստանին, որ հաջորդ տարում արդեն կարողանան տարբեր ոլորտներում հասնել զարգացվածության բարձր աստիճանի, գտնել դրական օրակարգի իրականացում այս դժվար ու բարդ օրերում եւ անպայման շարունակել ժողովրդավարական ուղին. սա շատ կարեւոր է Հայաստանի համար:

-Երբ Հայաստանից գնաք, ի՞նչ եք Ձեզ հետ տանելու:

-Քանի որ ես արդեն եղել եմ այստեղ, եղել եմ, իհարկե, իրեր, որոնք ինձ հետ տարել եմ, կան որոշները, որոնք հետ եմ բերել Նույնիսկ, որպեսզի նորից տարեմ, օրինակ՝ Ալբերտ Վարդանյանի ստեղծագործած իմ ամենասիրելի արձանիկը եւ, իհարկե, լավ հիշողություններ:

-Որպես տուրիստ՝ կգա՞ք Հայաստան Ձեր պաշտոնավարման ժամկետի ավարտից հետո:

-Միանշանակ կվերադառնամ: Ես պետք է փոքր-ինչ դադար ունենամ, եւ ինձ հաջորդող դեսպանին հնարավորություն տամ սովորելու աշխատանքին, բայց որոշակի ժամանակ անց միանշանակ կվերադառնամ Հայաստան:

Հարցազրույցն ամբողջությամբ՝ ArmLur.am կայքում **Ջրուցեց ՍՈՆԱ ԳՐԻԳՈՐՅԱՆԸ**

ԱՐՑԱՆԻ ՇՐՋԱՓՎԱԿՈՒՄ ՎԵՐԱՑՆԵԼՈՒ ԿՈՉ

Խոսազույցն դասադասում եւ անընդունելի ենք համարում Բյուտեթում կայացած վերջին հանդիպման արդյունքներով Եվրոպական խորհրդի նախագահ Շառլ Միշելի հայտարարությունը:

Այս մասին սաված է Արցախի հասարակական կազմակերպությունների հայտարարության մեջ:

«Արցախի Հանրապետության հասարակական կազմակերպությունները ողջունում եւ շնորհակալություն են հայտնում 470 եվրոպական ՀԿ-ներին եւ միավորում-

ներին, որոնք նամակ են հղել Եվրոպական միությանը եւ Եվրոպական խորհրդի ղեկավար անձանց՝ հորդորելով անհապաղ եւ արդյունավետ քայլեր ձեռնարկել Արցախի կողմից Արցախի շարունակական անօրինական շրջափակումը վերացնելու համար:

Չափազանց կարեւորում ենք Եվրոպական գործընկերների կողմ՝ ճանաչել Արցախի բնիկ հայ բնակչության ինքնորոշման իրավունքի իրացումը՝ որպես կենսական անհրաժեշտություն: Կիսում ենք այն տեսակետը, որ անհրաժեշտ է օգտագոր-

ծել բոլոր լծակները, որպեսզի Արցախի կարգավիճակն արտացոլի իր բնիկ հայ բնակչության ժողովրդավարական կամարտահայտումը, ինչպես նաև ստեղծի պայմաններ՝ կայուն խաղաղության եւ անվտանգության համար:

Համոզված ենք, որ արդեքեքանադարաբարյան հակամարտության հարատև, արժանապատիվ եւ արդար կարգավորումը պետք է հիմնվի Արցախի ժողովրդի անհատական եւ կոլեկտիվ իրավունքների, այդ թվում՝ ինքնորոշման իրավունքի հարգման վրա:

● Անցած 1 օրվա ընթացքում Հայաստանի Հանրապետությունում արձանագրվել է 11 ՃՏՊ. 1 մարդ զոհվել է, 21-ը՝ ստացել տարբեր աստիճանի մարմնական վնասվածքներ:

ԲԱՅՈՒՄ

ՆՈՐ ՄԱՐԶԱԳՊՐՈՅՐ ՊԱՏՐԱՍ Է

Հուլիսի 18-ին տեղի է ունեցել Երեւանի թենիսի եւ բաղմինթոնի մանկապատանեկան մարզադպրոցի «Կիլիկիա» մարզադահլիճի պաշտոնական բացման արարողությունը:

Միջոցառմանը մասնակցել են ՀՀ ԿԳՄՍ նախարար Ժաննա Անդրեասյանը, Երեւանի քաղաքապետի տեղակալ Տիգրան Ավինյանը, տարբեր մարզաձեւերի ներկայացուցիչներ, մարզաշխարհի երախտավորներ:

Ներկաները շրջել են հիմնանորոգված մարզադահլիճում, ծանոթացել պայմաններին, հետեւել մարզիկների պարապմունքներին:

«Դժվար է գերազնահատել նման ենթակառուցվածքներ ունենալու կարելությունը: Սա մեր երեխաների համար առաջին հերթին սպորտով զբաղվելու, առողջ ապրելակերպ ունենալու հնարավորություն է, որը մեծ նշանակություն ունի նաեւ հասարակության զարգացման համար»,- ասել է ԿԳՄՍ նախարար Ժաննա Անդրեասյանը:

Նրա խոսքով՝ խաղային մարզաձեւերի զարգացումը նախարարության համար առաջնահերթ ուղղություն է, եւ պետք է շարունակաբար խրախուսել երեխաների հետաքրքրվածությունն այդ մարզաձեւերով:

Մարզադահլիճի հիմնանորոգման նպատակով, ՀՀ կառավարության որոշմամբ, հատկացվել էր 24 մլն դրամ: Հիմնանորոգման ենթակա մարզադահլիճում ապահովված են հիմնական պահանջները՝ կառույցի սեյսմակայունություն, հաշմանդամություն ունեցող անձանց համար մատչելիություն, ներքին հաղորդակցման ուղիներ (ջրամատակարարում, էլեկտրամատակարարում, գազամատակարարում, ջեռուցում), օդափոխություն, տեսահսկման համակարգերի կառուցում կամ հիմնանորոգում, տարածքի բարեկարգում, գոյություն ունեցող շենքի եւ շինության հատակազծային լուծումների արդիականացում եւ միջազգային չափանիշներին համապատասխան բարձրորակ հարդարում եւ այլն:

Ապրիլին կայացած Եվրոպայի ծանրամարտի առաջնության շրջանակում «Կիլիկիա» մարզադահլիճը դարձել էր ծանրամարտի միջազգային չափանիշներին համապատասխան մարզումային դահլիճ:

Երեւանի թենիսի եւ բաղմինթոնի մանկապատանեկան մարզադպրոցի տնօրեն Ռոման Ամոյանի խոսքով՝ արդեն իսկ շուրջ 150 երեխա է հաճախում մարզադպրոց, նոր հաստիքացուցակով աշխատում է 12 մարզիչ:

Բաղմինթոնի գլխավոր մարզիչ Հրաչյա Պողոսյանը եւս փաստել է, որ մեծ հաջողություններ գրանցելու նախապայմաններն ապահովված են, ինչը կնպաստի մարզաձեւի զարգացմանը Հայաստանում:

Օգոստոսի 5-ին Հայաստանի թիմը մասնակցելու է մինչեւ 17 տարեկանների Եվրոպայի բաղմինթոնի առաջնությանը:

«ՅՈՒՆԻԲԱՆԿ»

ԱՃՈՒՐԳ՝ ՀՈՒՆԻԲԱՆԿԱՆ ԵՂԱՆԱԿՈՎ

2023թ-ի օգոստոսի 02-ին ժամը 11:00-ին կազմակերպիչ «Յունիբանկ» ԲԲԸ կողմից ք. Երեւան, Կոմիտաս 62 հասցեում կանցկացվի աճուրդ հոլանդական եղանակով:

Թիվ 59/1 լոտ՝ ոսկյա զարդեր 135,2 գր. ընդհանուր քաշով (զուտ քաշը 127 գր.) 585 հարգի, լոտի մեկնարկային գինը՝ 1.770.000 ՀՀ դրամ: Թիվ 60 լոտ՝ ոսկյա զարդեր 137,9 գր. ընդհանուր քաշով, որից 7,1գր. քաշով ոսկյա զարդը 958 հարգի՝162.240 ՀՀ դրամ, 13,7գր. ընդհանուր քաշով ոսկյա զարդերը (զուտ քաշը 13 գր.) 500 հարգի՝ 152.680 ՀՀ դրամ, 117,1 գր. ընդհանուր քաշով ոսկյա զարդերը (զուտ քաշը 115 գր.) 585 հարգի՝ 1.602.400 ՀՀ դրամ, լոտի մեկնարկային գինը 1.917.320 ՀՀ դրամ: Թիվ 61 լոտ՝ ոսկյա զարդեր 80,87 գր. ընդհանուր քաշով, որից 8,07գր. քաշով ոսկյա զարդը 958 հարգի՝184.400 ՀՀ դրամ, 7,8 գր. ընդհանուր քաշով ոսկյա զարդը (զուտ քաշը 7,5 գր.) 500 հարգի՝88.000 ՀՀ դրամ, 15,9 գր. ընդհանուր քաշով ոսկյա զարդը (զուտ քաշը 4,5 գր.) 585 հարգի՝62.700 ՀՀ դրամ, 49,1 գր. ընդհանուր քաշով ոսկյա զարդերը (զուտ քաշը 49 գր.) 585 հարգի՝682.700 ՀՀ դրամ, լոտի մեկնարկային գինը 1.017.800 ՀՀ դրամ: Թիվ 62 լոտ՝ ոսկյա զարդեր 14 գր. ընդհանուր քաշով, որից 9,4 գր. ընդհանուր քաշով ոսկյա զարդերը (զուտ քաշը 9,2 գր.) 585 հարգի՝ 128.200 ՀՀ դրամ, 4,6 գր. քաշով ոսկյա զարդը 500 հարգի՝54.000 ՀՀ դրամ, լոտի մեկնարկային գինը 182.200 ՀՀ դրամ: Թիվ 63 լոտ՝ ոսկյա զարդեր 22,3 գր. ընդհանուր քաշով (զուտ քաշը 22,2 գր.) 585 հարգի, լոտի մեկնարկային գինը 309.000 ՀՀ դրամ: Թիվ 64 լոտ՝ ոսկյա զարդ 10,8 գր. ընդհանուր քաշով (զուտ քաշը 10,7 գր.) 585 հարգի, լոտի մեկնարկային գինը 149.000 ՀՀ դրամ: Թիվ 65 լոտ՝ ոսկյա զարդեր 16,2 գր. ընդհանուր քաշով (զուտ քաշը 16 գր.) 585 հարգի, լոտի մեկնարկային գինը 222.000 ՀՀ դրամ: Թիվ 66 լոտ՝ ոսկյա զարդեր եւ ջարդոն 16,7 գր. ընդ-



հանուր քաշով, որից 3,4 գր. քաշով ոսկյա զարդը 750 հարգի՝60.600 ՀՀ դրամ, 9,4 գր. ընդհանուր քաշով ոսկյա զարդերը (զուտ քաշը 8,6 գր.) 585 հարգի՝ 119.800 ՀՀ դրամ, 3,9 գր. քաշով ոսկյա ջարդոնը 958 հարգի՝89.100 ՀՀ դրամ, լոտի մեկնարկային գինը 269.500 ՀՀ դրամ: Թիվ 68 լոտ՝ ոսկյա զարդ 14,2 գր. ընդհանուր քաշով (զուտ քաշը 14 գր.) 585 հարգի, լոտի մեկնարկային գինը 195.000 ՀՀ դրամ: Թիվ 69 լոտ՝ ոսկյա զարդեր 13,5 գր. ընդհանուր քաշով (զուտ քաշը 12,3 գր.) 585 հարգի, լոտի մեկնարկային գինը 171.400 ՀՀ դրամ: Թիվ 70 լոտ՝ ոսկյա զարդեր 8 գր. քաշով 585 հարգի, լոտի մեկնարկային գինը 111.400 ՀՀ դրամ: Թիվ 71 լոտ՝ ոսկյա զարդեր 11,1 գր. ընդհանուր քաշով, որից 8,9 գր. ընդհանուր քաշով ոսկյա զարդերը (զուտ քաշը 7,4 գր.) 585 հարգի՝ 103.100 ՀՀ դրամ, 2,2 գր. ընդհանուր քաշով ոսկյա զարդը (զուտ քաշը 2,1 գր.) 500 հարգի՝24.600 ՀՀ դրամ, լոտի մեկնարկային գինը 127.700 ՀՀ դրամ: Թիվ 72 լոտ՝ ոսկյա զարդեր 17,2 գր. ընդհանուր քաշով, որից 15,4 գր. ընդհանուր քաշով ոսկյա զարդերը (զուտ քաշը 15 գր.) 585 հարգի՝ 209.000 ՀՀ դրամ, 1,8 գր.

ընդհանուր քաշով ոսկյա զարդը (զուտ քաշը 1,7 գր.) 500 հարգի՝ 19.900 ՀՀ դրամ, լոտի մեկնարկային գինը 228.900 ՀՀ դրամ: Թիվ 73 լոտ՝ ոսկյա զարդ 5,07գր. քաշով 585 հարգի, լոտի մեկնարկային գինը 70.500 ՀՀ դրամ: Կերոնշյալ լոտերի մեկնարկային գինը, կապված աճուրդի օրվա դրությամբ ոսկու շուկայական գնի փոփոխության հետ, կարող է փոփոխվել մինչեւ մեկնարկային գնի 5 %-ի չափով: Լոտերը գրավի առարկա են, վիճակը բարվոք: Աճուրդին մասնակցելու համար ներկայացնել անձնագիր, մասնակցի վկայական /տրամադրվում է տեղում/, հաղթող է ճանաչվում առավելագույն գին առաջարկած մասնակիցը, նախավճարը՝ լոտի 5 տոկոսի չափով՝ վճարվում է կազմակերպչին աճուրդի բացումից առնվազն 30 րոպե առաջ, լոտի ուսումնասիրումը՝ մինչեւ աճուրդի բացմանը նախորդող յուրաքանչյուր երկուշաբթի եւ ուրբաթ օրերին՝ ժամը 9.00-13.00, ք. Երեւան, Կոմիտաս 62 հասցեում: Աճուրդի կանոնակարգին ծանոթանալու վայրը աճուրդի անցկացման վայրն է, պատճենը տրամադրվում է դիմումի հիման վրա: հեռ.՝ 043 00-42-27:

ԼՈՒՐԵՐ

ՏՐԱՆՍՊՈՐՏԸ ԱՐՑԱՆՈՒՄ

Ստեփանակերտում հուլիսի 18-ից հանրային տրանսպորտը կգործի խիստ սահմանափակ ռեժիմով, կանոնավոր ուղեւորափոխադրումներ իրականացնող գրեթե բոլոր ավտոբուսները չեն գործի:

«Արցախի շրջափակմամբ պայմանավորված՝ վառելիքի գերսղության պայմաններում ՏԿԵ-ն հաշվարկներ է պարբերաբար իրականացնում, եւ եթե մինչեւ օրս հնարավոր էր պահպանել երթուղիների քանակը որոշակի սահմանափակումներով, հուլիսի 18-ից ստիպված կլինեք կրճատել մայրաքաղաքի երթուղին՝ բացառությամբ Նոր Արեշ թաղամասին սպասարկող երթուղիները»,- ԼՂ Հանրային հեռուստաընկերության հետ զրույցում ասել է ՏԿԵ նախարարի առաջին տեղակալ Վլադիմիր Հարությունյանը:

ԼՂ-ում մինչհամայնքային երթուղիները շարունակելու են սպասարկվել դեռեւս գործող չվացուցակով, սակայն այդ երթուղայինների աշխատանքն էլ երկար չի շարունակվի՝ հաշվի առնելով վառելիքի սուղ պաշարը:



ՃԱՆԱՊԱՐՀԻ ՀԻՄՆԱՆՈՐՈՎՈՒՄ

Հիմնանորոգվում է Երեւան-Գյումրի-Վրաստանի սահման միջպետական նշանակության ավտոճանապարհի 1,8 կմ հատվածը: Այս մասին տեղեկացնում են «Ճանապարհային դեպարտամենտ» հիմնադրամից: Ճանապարհահատվածն անցնում է Շիրակի մարզով՝ Զեթիի լեռնանցքով: «Շինարարի կողմից տեղադրվում են ջրահեռացման վաքերը, ավարտել են

ներքին շերտի ասֆալտապատման աշխատանքները, կատարվում է կողնակների հարթեցում»,- ասվում է հաղորդագրությունում:

Հիմնանորոգումը մեկնարկել է այս տարի, ավարտը նույնպես նախատեսված է ընթացիկ տարում:

Նշվում է, որ հիմնանորոգումը կատարվում է ՀՀ պետական բյուջեի միջոցներով: Կապալառու կազմակերպությունն է «Մերձմոսկովյան» ԲԲԸ-ն, տեխնիկական հսկողությունն իրականացնում է «Ռ Քոնսալթ» ՍՊԸ-ն:

«Օղովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար գանգահարել 094-455-456 հեռախոսահամարով:

ՄԵԿՆԱՐԿԵԼ Է

ՀԱՅ-ԻՏԱԼԱԿԱՆ 20-ՕՐՅԱ ՓԱՌԱՏՈՆ

Իտալիայում Հայաստանի դեսպանությունը ՀՀ աշխատանքի և սոցիալական հարցերի նախարար Նարեկ Մկրտչյանի և ֆանդակազոր Վիգեն Ավետիսյանի հետ համագործակցությամբ, Մրմավիրի մարզի Փարսաբար համայնքում հուլիսի 15-ին սկսել է Pax Armenia (Հայկական խաղաղություն) խորագիրը կրող Մրա Հարությունյանի անվան ֆանդակազորության միջազգային հայ-իտալական փառասոճը: Այս մասին «Ֆեյսբուք»-ի իր էջում տեղեկացնում է Իտալիայում Հայաստանի դեսպանությունը:



հուշարձանի տեղադրմանը», - ասվում է հաղորդագրության մեջ:

Շուրջ մեկ տարի տեւած անխնայ աշխատանքի և գերազանց համագործակցության արդյունքում այս նախագիծն իրականություն դարձավ: Փառասոճը նշանակվում է նաև Երեւանի և Կարաբայի միջեւ քույրացման հուշագրի 50-ամյակը և նվիրվում է հանրահայտ հայ քանդակագործ Արա Յարությունյանի հիշատակին: Բոլոր մարմարները փառասոճին նվիրաբերվել են Կարաբա քաղաքի կողմից:

Արա Յարությունյանն իր ստեղծագործական տաղանդով մեծ ներդրում է ունեցել Երեւանն ու Կարաբան կամրջելու գործում՝ հեղինակելով Կարաբայում գտնվող Հայ-իտալական բարեկամության հուշարձանը, ինչպես նաև նպաստելով Երեւանում մեր երկու հիասքանչ քաղաքների քույրացումը նշանակվողով:

ՍՊՈՐՏ

ՀԱՅՏՆԻ ԾԱՆՐՈՐԳՆԵՐԻ ԿԱԶՄԸ

Հայաստանի ծանրամարտի Մ20 և Մ23 հավաքականներն ընդլայնված կազմով կմասնակցեն Եվրոպայի առաջնությանը:

Ռուսիայում կայանալիք առաջնության թիմերի կազմում են (Մ20) Սեյրան Խուրդիյանը (55 կգ), Մերուժան Եղոյանը (61 կգ), Տիգրան Կարապետյանը (67 կգ), Գոռ Սահակյանը, Մարտին Պողոսյանը (73 կգ), Մնացական Աբրահամյանը (81 կգ), Սուրեն Գրիգորյանը (89 կգ), Ֆելիքս Գետրոյանը (96 կգ), Գարիկ Կարապետյանը (102 կգ):

Մինչև 20 տարեկան աղջիկներ՝ Ալեքսանդրա Գրիգորյան (59 կգ), Անուշ Արշակյան (64 կգ), Ալինա Սուքիասյան (71 կգ), Աննա Ամրոյան (76 կգ), Էմմա Պողոսյան (81 կգ), Մարգարիտա Առաքելյան (87 կգ), Զուլիխտա Ավանեսյան (+87 կգ):

Մ23 տղամարդիկ՝ Գառնիկ Չոլակյան (61 կգ), Ռաֆիկ Յարությունյան, Կարեն Մարգարյան (81 կգ), Գետրո Դահրամանյան (89 կգ) Պետրոս Պետրոսյան, Յաշա Մինասյանը (109 կգ):

Մ23 կանայք՝ Լիանա Գյուրջյան (87 կգ), Լուիզա Սահրադյան, Մերի Թումասյան (+87 կգ):

Ծանրամարտի Եվրոպայի երիտասարդական առաջնությունը կանցկացվի հուլիսի 24-ից օգոստոսի 3-ը:

ԿԱՐԵՎՈՐ ՓՈՒԼ՝ ՄՐՑԱՇԱՐԻՑ ԱՌԱՋ

Հայաստանի վոլեյբոլի ֆեդերացիայի համար Եվրոպայի Մ22 տարեկանների առաջնության ենթախմբային մրցաշարի անցկացումը նախապատրաստական կարևոր փուլ է 2025 թվականի Մ17 տարեկանների Եվրոպայի առաջնությունից առաջ:

«Առաջին անգամն է, որ Եվրոպայի առաջնության ենթախմբային առաջնություն են անցկացնում: Բարձր մակարդակի մրցաշար է, և մասնակից թիմերն էլ են բարձր որակավորման թիմեր: Ֆեդերացիան շատ է կարևորում նմանատիպ մրցաշարի անցկացումը, քանի որ 2025 թվականին ունենք անցկացնելու բուն Եվ-

րոպայի Մ17 տարեկանների առաջնությունը, որին կմասնակցեն 16 երկիրներ: Այս առաջնությամբ նախապատրաստվում ենք Մ17 տարեկանների Եվրոպայի առաջնությանը», - ասաց Հայաստանի վոլեյբոլի ֆեդերացիայի գլխավոր քարտուղար Կարեն Ամարյանը:

Վերջինիս խոսքով՝ ենթախմբային մրցաշարը հայ վոլեյբոլիստների համար մեծ փորձ կլինի, և դրան մասնակցելն արդեն իսկ ձեռքբերումների շարքին է դասվում: «Մրցաշարի անցկացումը պատանիների և երիտասարդների համար նոր խթան կլինի այս մարզաձևով զբաղվելու համար: 2020 թվականից մինչ օրս մարզաձևով զբաղվողների թիվը կրկնապատկվել է», - ասաց նա:

Երեւանի «Գազպրոմ Արմենիա» ուսումնական-մարզական համալիրում հուլիսի 21-23-ը ՀՀ կառավարության բարձր հովանու ներքո կանցկացվի վոլեյբոլի տղամարդկանց Եվրոպայի մինչև 22 տարեկանների առաջնության ենթախմբային մրցաշարը: Մրցաշարի մուտքն ազատ է:

Հայաստանի հավաքականը խաղերի օրերն են՝ հուլիսի 21՝ Հայաստան-Պորտուգալիա, հուլիսի 22՝ Հայաստան-Դանիա, հուլիսի 23՝ Հայաստան-Ֆրանսիա: Բոլոր խաղերը կմեկնարկեն ժամը 17:30-ին:

ՄԱՐԶԱԿԱՆ

ՊՄԺ-Ն՝ ՃԱՊՈՆԻԱՅՈՒՄ

Ֆրանսիայի չեմպիոն ՊՄԺ-ն կմեկնի Ճապոնիա և կանցկացնի երեք ընկերական հանդիպում: Իսպանացի Լուիս Էնրիկեի գլխավորած թիմը հուլիսի 25-ին կմրցի Սաուդյան Արաբիայի «Ալ Նասրի», հուլիսի 28-ին՝ ճապոնական «Սերետ Օսակայի», օգոստոսի 1-ին՝ Միլանի «Ինտերի» հետ:

Փարիզյան ակումբը մրցաշրջագայությունից կստանա 20 միլիոն եվրո եկամուտ. հաղորդում է ֆրանսիական L'Equipe-ը:

Անցած տարի Ճապոնիայում անցկացրած մրցաշրջագայությունից ՊՄԺ-ն ստացել էր 12 միլիոն եվրո: Վերադարձին ՊՄԺ-ն կարող է նաև մեկ հանդիպում անցկացնել Հարավային Կորեայում՝ ապահովելով ավելի մեծ եկամուտ:

ԼԱՎԱԳՈՒՅՆԸ՝ ԸՍՏ ՌՈՆԱԼԴՈՒԻ

Սաուդյան Արաբիայի «Ալ Նասրի» պորտուգալացի հարձակվող Կրիշտիանու Ռոնալդուն վստահ է, որ հյուսիսամերիկյան ՄԼՍ-ի առաջնությունը խաղամակարդակով գիշում է Սաուդյան Արաբիայի առաջնությանը: «Սաուդյան լիգան ավելի լավն է, քան ՄԼՍ-ը: Ես 100 տոկոս վստահ եմ, որ չեմ վերադառնա որեւէ եվրոպական ակումբ: Ես բացեցի ճանապարհը Սաուդյան Արաբիայի լիգա, հիմա շատ խաղացողներ գալիս են այստեղ: Մեկ տարի հետո Սաուդյան Արաբիայի լիգան հետ կթողնի Թուրքիայի և Նիդերլանդների լիգաները», - Ռոնալդուի խոսքը մեջբերում է alarabiya-ն: Ռոնալդուն «Ալ Նասրին» միացել է այս տարվա հունվարին, 16 խաղում խփել է 14 գոլ, կատարել 2 գոլային փոխանցում:

ԱԳԱՄՅԱՆԸ՝ ԳՈՒԻ ՀԵՂԻՆԱԿ

Հայաստանի ազգային հավաքականի հարձակվող Սարգիս Ադամյանի գոլն օգնել է գերմանական «Բորուսի» հաղթել ընկերական խաղում: Բունդեսլիգան ներկայացնող թիմը 45-րդ րոպեանոց խաղում մրցել է լեհական «Գուռնիկ Ջաբոթի» հետ ու հաղթել 3-1 հաշվով: 30-ամյա հայ ֆուտբոլիստը 11-րդ րոպեին բացել է խաղի հաշիվը: Հիշեցնենք, որ Սարգիս Ադամյանը «Բորուսի» է 2022 թվականի հուլիսից և 32 պաշտոնական խաղում խփել է 2 գոլ, կատարել 4 գոլային փոխանցում: Transfermarkt-ը հարձակվողի տրանսֆերային արժեքը գնահատում է 1 միլիոն եվրո:

ՄԵՍԻԻ ԳԻՏՎԱԾ ԸՆՈՐՀԱՆԳԵՍԸ

Աշխարհի չեմպիոն Արգենտինայի հավաքականի 36-ամյա հարձակվող Լիոնել Մեսսիի շնորհանդեսն ամերիկյան «Ինտեր Մայամիում» ամբողջ աշխարհում հավաքել է 3,5 միլիարդ դիտում բոլոր հնարավոր մեդիա-հարթակներում. հաղորդում է SNS-ը:

Մեսսիի շնորհանդեսն այս ցուցանիշով գերազանցել է Պորտուգալիայի հավաքականի հարձակվող Կրիշտիանու Ռոնալդուի շնորհանդեսը Սաուդյան Արաբիայի «Ալ Նասրում»՝ 3 միլիարդ դիտում ամբողջ աշխարհում: Ռոնալդուն «Ալ Նասրին» միացել է այս տարվա հունվարին, 16 խաղում խփել է 14 գոլ, կատարել 2 գոլային փոխանցում: Լիոնել Մեսսին տրամադրում ամերիկյան թիմում կարող է նշել այս ուրբաթ՝ հուլիսի 21-ին: Այդ օրը «Ինտեր Մայամին» Լիգաների գավաթի խաղարկության խաղում կմրցի մեքսիկական «Կրուս Ասուլի» հետ:

● Հունիսի 20-ին Սոս Սարգսյանի անվան համազգային թատրոնում տեղի կունենա «Մերսեդես» ներկայացումը: Տոմսերի արժեքը՝ 1500 դրամ: Սկիզբը՝ ժամը 19:00-ին:





Էջը՝ ԱՆՎԱՐԴ ԿՈՇԿԱԿԱՐՅԱՆԻ

**ԿԱՐԳ**

**ՀԱՐՑ. Ի՞նչ կարգով է սրվում մահվան վկայականը:**

Սիլվա Բոյաջյան (59 տարեկան)



**ՊԱՏԱՍԽԱՆ.** Մահվան վկայական ստանալու համար հարկավոր է դիմել ՀՀ ԱՆ ՔԿԱԳ (ԶԱԳՍ) տարածքային բաժին եւ ներկայացնել հետեւյալ փաստաթղթերը՝

1. մահվան վկայականը ստացողի անձնագիրը եւ պատճենը,
2. մահացածի անձնագիրը,
3. թաղամասային բժշկի կողմից տեղեկանք՝ մահվան մասին:

ՀՀ ԱՆ ՔԿԱԳ

**«ԺՈՂՎՈՒՐԳ».** ՔԿԱԳ բաժնի աշխատակցի կողմից տրվում է դիմումի ձեւ, որը պետք է լրացվի վկայական ստացողի կողմից:

**ԹՈՒՅԼՏՎՈՒԹՅՈՒՆ**

**ՀԱՐՑ. Գործում ինչո՞ւն է կարող եմ սահմալ մարդասար եւ երթուղային ճանապարհային թուղթերը իրականացնելու թույլտվություն:**

Աշոտ Նավասարդյան (36 տարեկան)



**ՊԱՏԱՍԽԱՆ.** Համայնքի տարածքում մարդատար եւ երթուղային տաքսիների ծառայության թույլտվության համար անհրաժեշտ է դիմել քաղաքապետարան՝ Առեւտրի եւ սպասարկման բաժին:

ՀՀ Սյունիքի մարզպետարան

**«ԺՈՂՎՈՒՐԳ».** Համապատասխան թույլտվությունը տրամադրվում է 2 աշխատանքային օրվա ընթացքում:

**ԼՈՒՐ ԿԱՐԴ**

Լուսանկարն արվել է Երեւանում



Հունիսի 16-ի Վարդավառից հետո քաղաքն անմխիթար վիճակում է: «Ժողովուրդ» օրաթերթի տեսախցիկը ֆիքսել է, որ աղբը թափված է փողոցներով մեկ, իսկ Հանրապետության հրապարակի գլխավոր շատրվանների ջուրը կեղտի մեջ կորած է: Գլխավոր շատրվանների ջուրը փրփռած է, դեղնած, ամբողջությամբ ուտելիքի մատչողներ են եւ կոնֆետի կամ սննդի թղթեր:

**ԲԱԺՆՈՐԿԱԳՐՈՒԹՅՈՒՆ**

Մեր թերթը  
Բաժանորդագրվելու  
համար կարող եք դիմել

«Հայմամուլ» ՓԲԸ  
հեռ. 45-82-00, 45-19-11

«Հայփոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրագրած բոլոր խնդիրներին:

**ԱՌԱՋԱՐԿ**

**հայկական տպագիր մամուլից**

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

**ԵՂԱՆԱԿԻ ՏԵՍՈՒԹՅՈՒՆ**



Շիրակ	+5 + 10 +22 + 25	Արարատ	+14 + 17 +30 + 32
Կոտայքի լեռներ	+ 5 + 10 +22 + 24	Արմավիր	+12 + 14 +30 + 32
Կոտայքի նախալեռներ	+13 + 15 +26 + 28	Վայոց ձորի լեռներ	+ 8 + 10 +18 + 20
Գեղարքունիք	+8 + 10 +16 + 20	Վայոց ձորի նախալեռներ	+15 + 18 +30 + 32
Լոռի	+9 + 14 +20 + 24	Սյունիքի հովիտներ	+16 + 20 +24 + 28
Տավուշ	+14 + 18 +23 + 28	Սյունիքի նախալեռներ	+ 8 + 11 +19 + 21
Արագածոտնի լեռներ	+ 5 + 10 +21 + 23	ԼՂՀ	+16 + 19 +24 + 27
Արագածոտնի նախալեռներ	+12 + 16 +25 + 29	Երեւան	+13 + 15 +30 + 32

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22՝/3, հեռ.՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության 18.7.2023

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում  
խմբագրություն հանձնված նյութերը չեն գրայնաչափվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեւյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: